



UNIVERSITÄTS-
BIBLIOTHEK
PADERBORN

Universitätsbibliothek Paderborn

Marianischer Atlaß/ Von Anfang vnd Vrsprung Zwölffhundert Wunderthätiger Maria-Bilder

Gumpenberg, Wilhelm

München, 1673

621. Zu Geldon in dem Niderland/ in dem Spital.

urn:nbn:de:hbz:466:1-38287

wider in die Kirch getragen worden. Disem Bild schreiben die von Madrit auch zu / daß in der andern Belägerung die Saracener die Statt nit eroberet.

620.

Unser L. Frauen Bild

Zu Geldon in dem Niderland.

Zu Geldon / ist mitten auff dem Marckt oder Platz ein Mutter Gottes Capell / so / von Alters her / in dem Marckt / oder Platz Capell genennet wird. Man sagt / es seye den 12. Augusti Anno 1353. geweyhet worden: ist auch im Jahr 1608. darinn ein Bruderschafft des heiligen Rosenkrantz auffgerichtet. Auß deme allem die Alte grosse Andacht / vnd das nit ohne wichtige Ursach vnd Miracul solche Capell seye auff den Platz gesezet worden zu schliessen / vnd tauret noch der tägliche Zulauff des Volcks / welcher ohne empfangne Gnaden von der Mutter Gottes nit zugeschehen pfliget.

621.

Unser lieben Frauen Bild

In dem Spital

Zu Geldon in dem Niderland.

Diese Capell oder Kirchlein ist älter / als die vorige / vnd ist bey den Siechen / im Jahr 1248. auffgerichtet

Zu Geldon in dem Niderland. 21

richtet worden. Wird hoch verehret/ vnd ist ein alter
Brauch / daß an dem Sambstag nach vnser lieben
Frauen Haimbsuchung Fest / vor der Vesper / die
ganze Clerisen / sambt dem Schuldtheiß / Burger-
meister / vnd Rath / in der Procession/ zu disem Bild
gehen/ vnd auß jedem Hauß: Gesind auff das wenig-
ste ein Person mitgeschickt wird/ alsdann traget man
dieses heilige Bild zu der Capellen/ so mitten auff dem
Platz oder Marckt/ stellet solches dem andern Mutter
Gottes Bild an die Seyten / vnd zu End des Fest
werden beyde Bilder herumb getragen / vnd also
die Solemnitet geendet ; so man der Tagwercker Fest
nennet.

622.

Vnser lieben Frauen Bild

Von dem Hülf leisten

Zu Panormo in Sicilia.

Im Jahr 1306. ist der Ehrwürdige Pater, F. Ni-
colaus Bruni des Convents der Einsidler / oder
schwarzen Augustiner Prior, in ein sehr schwäre vnd
gefährliche Kranckheit / so auch die Medicos müd ge-
macht / gerathen / daß es schier mit ihme verzweifflet
gewesen: hatte sein Zuflucht zu der Mutter Gottes /
ruffte sie auff das jünbrünstigste an / fallet in einen
Schlaff / in deme sie ihme / ganz auff die Weiß / wie
sie in der Kirch an dem Altar gemahlt ware / erschi-
nen / vnd ihne also angerede: Stehe auff / du bist nun
gesund / hinfüran / in deinen Nöthen / ruffe mich an /
vnder

B 3